

والينا ظل مطروح واحنا بعزا وبنوح
ونگاسي شِدَه في خيمه وحده

محرورات خيمنه والمسا اگبن
مفجوعات عمدنا بالثرى مرمل
والونات مكتومه ودمعنا هل
ومن نظرات شمر صار المسا أطول

سواده وحمة صاير منضبغ هالليل
وما بين الخدر تتعالى صهله خيل
وداخل هل هالخبنا صمت ومدامع سيل
نساوين ويتامى وصب عليها الويل

بس أنه بس حنه كل خوفي يسمعه
وياذينا حقه في خيمه وحده

أم الصّـون ترجّع چم طفل شارد
أنصِدْ بعيون أهاليها بگلب صامد
چم مطعون كأنهم راعع وساجد
ما يحـون ولـ حد يوگف يساعد

وچن طفله افرشت سجادة العطشان
صلاتك حل وگتها يا نسل عدنان
تناجيه بدمعها وتهمس بتحنان
منتظرة النحر يغمرها بالسـوان

حضنتها أم لیتام وبچفها مسحت هام
کومي يورده في خيمه وحده

خويه حسيين جثه بلا قميص وراس
تجري العين وطعناته تشيب الراس
بس اونيين يعز خطبك ياغلى الناس
ليته البين ولا شوفك بلياً أنفاس

على ذروة رمح راسك بلا اعمامه
وخنصر جفك المگطوع ظل شامه
على حر الثرى ومسالبه اخيامه
وآخر نظره منه مشرده ايتامه

ليل احدعش ميشوم جارت علينا الغوم
وياهو الـ نصده في خيمه وحده

ناح السيف لانه بسچف عدوك صار
بس يا حيف يصير للـ ناهب وغدار
أسأل چيف؟ ومتى؟ لجاك يحين الثار؟
ظلام الزيف لابد ما يجيه انهار

نظرت بعيني ميمونك رجع خالي
ودهش بالي بمجيه أي دهش بالي
وتاهت دگة افادي اعلى أخياي
ولا يحتاج اوصف شلجری بحالي

لطح بالدا عرفه يصعب دمعتي توصفه
وأمری مردّه في خيمه وحده

عز لوداع خليصي وغايتي بعمري
بعذك ضاع خدري ومحملي وصابري
يا منّاع والله وحايره بأمري
فوك الكّاع أشوفك والدمع يسري

على العجفة اعوفك وأنّي مسبيه
ويعز انظر جلالك جثه مرميه
وتظل ساكن خيالي والله يوميه
عفير وما شرب لو كطرة اميه

خصمك ينور العين جمّعنا بعد البين
وياهو اليرده في خيمه وحده